

Pusat Transit Anakku Sayang

Baru-baru ini, jawatankuasa Taman Seri Damai telah membuka operasi pusat transit untuk anak-anak penghuni taman yang dinamakan Pusat Transit Anakku Sayang Taman Seri Damai. Pusat ini merupakan pusat jagaan sementara bagi kanak-kanak berumur enam tahun hingga 12 tahun.

Pusat transit Anakku Sayang menyediakan perkhidmatan pengangkutan untuk mengambil murid dari sekolah, pusat transit dan menghantar murid ke sekolah semula bagi aktiviti kokurikulum. Program komuniti prihatin ini membantu ibu bapa yang bekerja untuk mengurus anak selepas sesi persekolahan. Sofea merupakan seorang murid yang terlibat dengan program transit ini.

Setiap hari Rabu, Sofea akan menunggu di luar pagar sekolah berdekatan perhentian bas untuk menaiki van sekolah yang akan membawanya ke pusat transit. Sofea sudah diperkenalkan kepada pemandu van Encik Suhaimi. Sambil menunggu van dia akan memberikan makanan kepada burung-burung dan kucing yang berkeliaran di situ.

Setelah tiba di pusat transit, Sofea akan disambut oleh penjaga pusat transit, Puan Malika. Sebelum masuk ke dalam rumah dia akan menanggalkan kasut dan menyusunnya di rak kasut yang disediakan di tepi pintu rumah.

Setelah mandi dan menukar pakaian, Sofea dan rakan-rakannya makan tengah hari. Makanan yang dihidangkan oleh Puan Malika sedap dan berkhasiat. Mereka dijamah dengan nasi dan lauk yang berlainan setiap hari seperti ayam, ikan, sayuran dan buah-buahan.

Kemudian, van sekolah tersebut akan menghantar Sofea dan rakan-rakannya ke sekolah semula untuk aktiviti kokurikulum. Encik Suhaimi seorang yang mementingkan keselamatan mereka. Kadang kala terdapat banyak kenderaan di sekeliling seperti kereta dan motosikal namun beliau sabar menunggu giliran untuk menurunkan Sofea dan rakan-rakannya di depan pagar sekolah semula.